

Bájkkeavijssa NuorttaSálto



Tæksta: Kitty Skapalen
Járggálibme: Divte Media AS

Nijbbebuvttadibme ij la jádon læhkám guhkes ájgen. Dálá sihti jáhtuj oadtjot garraduojev. Dánna Anders Paulsen vuoset suv nijbijt, nuppijda arvusmahttemij. Gb Inge Olsen, Anders Paulsen, Renate Mikkelsen, Albert Fagernes, Lars Magne Andreassen ja Beate Ráhka-Knutsen.
Knivmakeriet har ligget brakk en god stund. Nå vil de blåse nytt liv i sløydevirksomheten innenfor duodje. Her er det Anders Paulsen som viser frem en av sine kniver, til motivasjon for de andre. Tv Inge Olsen, Anders Knutsen, Renate Mikkelsen, Albert Fagernes, Lars Magne Andreassen og Beate Ráhka-Knutsen.

Sihti duojev ælládit ja nannit

■ Árranij, Divtasvuona ASVO:j ja Duodje Nordlándaj le juollodam vargga akta millijávná duojev ávddánahtátjit julev- ja bihtámsáme guovlojn.

Guhkev la bargaduvvam sierra bagádallamvirgijn duojev. Lagáp ij la guossak læhkám. Ádá resursajn sihti oadtjot moattelágásj dájmajt jáhtuj, ma máhtti duoje fáhkabirrasav nannit. -Duodjesiebrre Duodje Nordlándda li álgadam prosjevtav ja duodjebirás le barggam bagádallamvirgijn (bagádallamdievnastusájn) duojev julevsáme-



Sáme garraduodje. Sihke muorra ja divrredávte li ábnnasa, aktan gávádallamijn ja máhtudagájn sjaddá tjáppa buvta. **Samisk, hard duodje.** Både tre og dyrebein brukes, sammen med fantasi og kunnskap blir det fantastiske produkter.

guovlon 1982 rájes. Aktisasj áhtsámus lij mijás, Árranis ja Tysfjord ASVO:s Sámediggáj áttjak bagádallamvirggáj duojev mijá guovlon, javlla Duodje Nordlándda jádediddje Heidi Andersen.

Ij la jádon læhkám

Javllarájes la Divtasvuona ASVO dijstagájt ásadam rabás goadev duodjeássudagán Árrana tjællárin. Garraduodje, duola dagu nijbijt dahkat, ij la jádon læhkám guhkes ájggáj. Dálá sihti vat dáv dájmajt jáhtuj oadtjot. Renate Mikkelsen, Inge Olsen ja Albert Fagernes sihti ienebujt sæbrat. Æjvvalam lip juohkka dijstagá javlaj rájes. Rabás la divnájda sihke nissuna ja álmájda. Dánna la divna vædtsaga majt dárba ja ienep galggap oastet, javlla Albert Fagernes.

-Galggap stávlájt ja bievdijt oadtjot vaj la máhttelis hávsskudallat bargadahttijn, javllá sán.

Ájggomus la vuobddet buvtajt gå dal ájn.

-Moattes lij guossidam ja miellagiddisa læhkám, valla lav javllam hættup dal vuostak buvtadit, javllá Fagernes.

-Suohtas oahppat duodjuhit ja oahppat duov dáv teknihkav, javllá Inge Olsen.

Sán la oahppam ietjas teknihkav ja vædtsagijt adnet, dássju avtajn varres giedajin.

-Sjaddá mihá gå la iesj duodjuham, javlla Renate Mikkelsen, gut vuostatjijn sihtá nijbijt vattáldahkan vaddet ietjas

mánájda.

-Sjaddá árvulasj, majt ij máhte biednigij buohtastahttet gå la iesj duodjuham, moalget sán.

Sosiála ja oahppi álov

Ja aj Divtasvuona ietjas nijbbevuodjár Anders Paulsen guovlat dán dijstagá.

-Viertti adnet boahhtsutjoarvev, májot sán.

E aktak sjatta væráltvuojte ijá bajlet. Gájbbeduvvá hárijidallam ja ájgge. Ja viehka állá gierddisvuolta ja miellagiddisvuolta. Dálátjij lip adnám muorav ábnnasin, valla la boahhtsutjoarvev ja ibenholta gárves. Ij la gájbbedum ávddámáhtukvuolta jus sidá sæbrat. -Jus gávna miellagiddisin ja jus la gierddis da sjatta tjiehpe. Juohkka nijbbe sjaddá sierralágásj ja hiebadum addnigiehtaj. Oahppap nubbe nuppes. Lip ájádallam tjáhkaniet iehkedijt aj, javllá Albert Fagernes.

Suv mieles bierru liehket máhttelis ájge duogen duoje baktu oahppotjuorgájt oadtjot ja dan láhkáj aktidit áhpadasájn. -Doajvvop oahttjop duodje bagádallev Vuona bielen julevsáme guovlon, gánná vuojnnep stuorra dárbov, javllaba Beate Ráhka-Knutsen ja Lars Magne Andreassen.

-Dárbahij soabmásvav gut máhttá bagádallat ja mielludahttet. Ájgebirán soajttá vájbbap ja dalloj la ájnas oadtjot ienep arvusmahttemav ja máhtudagáv, duoddi Fagernes.

Almodit virgijt

Árrana direktóra, Lars Magne Andreassen vuojnna dárbov almodit duodjevirgijt.

-Ávddánibme ja áhpadibme la ájnas ja le sáhka hiebadime birra, oasen duojev ávddánahttemin. Budáldimes æládussaj la mijá ulmme ja sihtap ulmuttijt ma máhtti dahkat duodjebirrasav, váj máhttepp fállat moattelágásj kursajt. Guoradallamin lip ressursajt, ja hasodip ulmuttijt mijájn guládallat, javlla direktorra, guhti ájádallá sihke vuododimkurssa, fáhkakurssa ja oahppomanno Svierigij le oasen duoje máhttolápptimis.

-Álles virgge le, miejnni sán. Duodjebirrasij la ájnas fágalasj bagádallev oadtjot.

-Átsájma gálmma jáhkásaj prosjevtav ja oattjoma dássju ávtáv jagev. 600 000 krávnáj Sámedikkis ja 300 000 Nordlándda Fylkasuohkanis máhttepp bálkket fáhkapersávnáv, mij le lávkke riehta guovlluj. Valla sidáv dættodit jut dárbo le fáhkapersávnájn duojev, gut máhttá julevsámegiela ja ávddánbuktet julevsáme árbbedábev, duola dagu hábme, ábnnasij adno ja girjja. Gájbbeduvvá persávnáv nanos fáhkamáhtudagájn. Gielav áhpa buoremus láhkáj gå gielav praktihkalattjat aná, javlla Duodje Nordlándda jádediddje Heidi Andersen.